

儼塾先生文集

五



和16
1.184
5



儼塾集

卷之五

文

16
1184
5

儼塾集卷之五

賦十二

日光山賦 並序

下野國都賀郡日光山者昔在

鷓草神武之際以二山神猛烈名二荒山也

稱德帝天平神護元年勝道比丘依二蛇之靈跋涉

入山建四本龍寺修道勤苦蓋不得上高頂到于

天應二年弃命起誓初得攀躋男體及如寶闕伽

投嶽於男體之半腹建中禪神宮日輪諸寺經行

修煉殆十四年以祈國祚詳見于空海所撰勝道

甲子
奉詔
重作

四九
光仁
帝



歷山水瑩玄珠碑空海故二荒號日光留在山間湖邊四年而創立龍尾社及菩提寺等勤修密法其後

四十九

仁明帝嘉祥元年圓仁來遊立藥師寺以弘台教禱祠得驗名聲籍甚云載在于羅山子二荒山神傳往古蟒蛇蜈蚣之角力猿麻呂之神箭故事具誌焉又野相公之緣起藤敦光之私記舉山勝狀最可觀者矣百九後水尾帝元和三年大樹台德公記東照大神君於此處以其名境超出於關東諸山也寬百十明正帝永十三年大樹大猷公大興神祠彫鏤盡美爾

後過一十六歲慶安四年大猷公薨乃葬神宮之西山經始靈臺莊麗極妙寔時君之所尊崇百姓之所拜趨也貞享甲子春橫山內記知清翁恭承台命勤事於此余亦追隨暇日應其需製短賦振古作賦者美言過稱飾辭浮華今舉實事不敢空言欲使後人有便於歷覽也其賦曰二荒之陽東方勝地飄乎恣目偏驚靈異夫神宮之宏麗豈漢廟之所比椽栒簷牙獅象舉頭扃扉墻壁鸞鳳展翅珍石香木是聚是彫磨金明珠以鏤以治檻列仙人之踰躔楹集玉女之嫵媚飛梁

後世集卷之五

架空而光彩虹橫峻宇聳雲而金紋星熾樓閣輪
困繪畫巧緻層塔崢嶸寶庫列次柱材自朝鮮國來
燈基從阿蘭陀至良工不能模景狀才士無由賦
全備目炫耀而失視心惶怖而發悸西有靈廟瓊
殿瑤室丹青映於林剎燦爛輝於天日相輪之銅
標卓爾孤立三佛之金人儼然容膝又常行之連
高臺源賴朝嘗創礎礪新宮畫棟在傍巖畔翠微
芳馥隔巒灌尾茂陰鬱密三杉含風令人戰慄本
宮東構前流洋溢碧屏嵯峨清籟蕭瑟水則二川
兩峰流來大谷河漲而漫波幾滎回稻荷川急而

飛湍爭喧厓水巖競起而砒砒硯石蹲居以崔嵬
萃巖之瀑晨光高照憾幹之淵激浪玉堆裏見之
幽邃霧降之陰霾寂光之沓寥瀑布各嶺嶺山則
節彼二峰兮盛暑雪猶斑男體大於秦萃兮一望
小衆山女體比於峨嵋兮曉粧梳雲鬢太郎嶽似
長子兮肅肅其容顏鬼神冥冥兮如在層巔濁夫
汚土慎勿躋攀涌谿溫泉號如意湯一浴則身體
爽輕吁巨靈之仁惠救沈疴以快平異鳥叫慈悲
心宴坐偶聽其聲栗鼠與猿互翔杜鵑與鶯同鳴
無車馬喧而鷄犬相聞無畋獵騁而麀鹿不驚櫻

花晚發而四月初見春色。霧露時橫而九夏已逢。秋冷原夫勝道之開。此山也。當于

稱德帝之朝。松杉翳翳。菅茅蕭蕭。震雷號號。魍魅佻佻。蛇王棧大徑兮。乃為神橋海師修密於空閑兮。仁公傳顯於遠遼。慈眼揚善於烈祖兮。功比八合有所超。大廟乃營爰祭爰祧。本支百世。今德是昭。維此令德。高達青霄。萬國以寧。雨順風調。亂曰。二荒其奇哉。尊哉輔成羣黎。觀宮殿之玲瓏兮。仰威福之高崇。拜寶塔之穹窿兮。尊治安之成功。聆山靈之猛悍兮。敬鬼神遠暴慢。臨澗流之鮮繁兮。

聖主之奉神護
孝謙重祚
至孝子如男子
千四十年

高其志式燕術采薇兮。擬昔陽之賢。摘朮兮得安期之仙。凌絳霞兮跨於赤城之懸。挹甘露兮美於華池之泉。至若中禪之寂寞。至靜可樂。歌濱之風音。睡夢頓覺。南湖北江。滿眼廣博。朝輝夕陰。胸次灑落。嗚呼。天土所作。誰極識度。我今携筇尋山原。聊動吟。竟形容。十一。貽諸後昆。庶遊此地者。其知予之不食言。

○窮士賦 並序

見赤子之匍匐。將入井。惻隱內萌。見牛之轂。練過堂下。仁愛外發。皆生乎不忍之心。而天理之自然者矣。

世之尤慘者其窮士耶。聞唐之風俗。士大夫不遇時者。皆還其鄉里。奉祀蓋有負郭之田。以足養乎事之。堪羨者莫過焉。今士之有故而去者。飄飄乎流轉四方。固不有尺土勞苦艱難。殆至凍餒欲異亡命之徒。豈可得乎。諸侯不肯之恤。見者以爲常。哀哉。余所識有二三窮士。其悲酸不可言。此輩寧不犯朝憲。毫無可責。余不忍見其如無罪而被貶逐。於是作窮士賦。以效楚體。其賦曰：

吁嗟落魄落魄兮。離鄉遠往。祿不身從兮。行路怏怏。形容憔悴兮。退棄我黨。邦禁不納。亡賴兮。微服終日。

恒狂誤

鞅掌初藍縷蕭散兮。後卧牛衣中。彼蒼者天兮。何困英雄。世少知美璞兮。誰識爨下桐。和扁若可起兮。寧來治此窮。觀夫史載高士兮。就舊里而樂間。今無頃田可耕兮。彈長鋏唯悲歎。悔不好弘景之術兮。焉得採藥入山。未慣君平所爲兮。賣卜都市是難。斷斷佐佐常養勇兮。疾視三軍氣未衰。雖著短褐弊裘兮。穎脫猶囊中錐。嚮者于戈之世兮。輕萬金求士歸。登壇拜將。任遇重兮。築臺招士。卑其辭。三顧草廬。舉賢兮。躬迎釣座。尚師釋射。鉤斬袂之怨兮。反厚幣重賞。無疑承平。久而良弓藏兮。有才不值。五羖皮昔原嘗食。

客三千兮。憾我不生其時。臨江畔。悲靈均之見放兮。
過林麓。憐介推之獨遺。或有事。扣富兒門兮。傍人笑。
以爲貪汙。或遊縉紳之藝場兮。謂我僥倖。甚賤惡適。
訪故友。稀逢兮。還見嫂叔。勃怒無罪。而流竄與處兮。
鬱陶乎。向誰告訴。惴惴瞿瞿。謀產兮。不擇寒暑。晝夜。
寶力變而不貴兮。金鞍古而損價。如病鶴之翮折兮。
似羸馬之足跛。任哉疲奔命于權門兮。遯哉投閑散。
于荒野。恍恍惚惚。如醉兮。慨生辰之不穀。天主誠聖明。
兮。豈敢轉溝瀆。非若小人斯濫兮。確乎守君子之德。

後樂園丹楓賦

維旃蒙赤奮若。孟冬之中。遊後樂之靈囿。覩彼丹楓。
霜葉勝華。乃感時令。碧色變錦。茲觀天上。駭光彩之
射幽壑。恥絕豔之照衰躬。嘗聞老幹爲仙。忽怪片葉
化龍。爛爛如燃。如酡顏紅。傍帶纈纈。陰裏青葱。低昂
參差。指西向東。於戲儼然。盛衰斐然。成章桃李。失其
媚。蘭蕙失其芳。姚家失其富。睡棠失其糝。宜哉衆花
時無相望也。唯菊鬢髯。乎離下。蓋夫隱逸自行。藏翠
巒重疊。以回護。茂樹四圍。而輔扶。鴻鵠爲之停翥。鸞
鳳來而踟躕。梢接雲端。正知映日霞綺。影沈碧浪。疑
是撐月珊瑚。何用別遊。吳江楚岸。却思箇裡瑤臺蓬

壺。余去歲之冬。恭浴。君恩。史館之暇。初趨後園。尋
今春携母來過。又秋日俱友入門。每至于是。必動詩
塊。雖然勉強求句。未成佳篇。或有腹藁。遂不得全。所
以者何。多景交錯。氣象萬千。心悸。膚汗。神馳。目眩。况
乎楓。對之。賁丘園。羈縻。墨客。而不許還。且夫後樂之
爲名。蓋取諸後。天下之樂而樂也。今此樹也。後萬卉
之榮。而獨綽約。秀秋均美。譽於桂華。傲霜比貞。操於
松柏。百爾君子。敢不述作。是故小生。不顧菲薄。

西山賦

黃門源公致仕。移居西山。謹獻賦奉賀。

瞻望彼西嶺兮。杳靄而嶙峋。覽壺中之異境兮。驚桃
源之芳春。紫芝之秀。曄曄兮。白石爛粼粼。澄潭深而龍
蟄兮。古洞靜而鶴馴。巖花發而曬錦兮。砌蘚敷以成
茵。惟上帝之惜勝境兮。假我公而養天真。不日經
始此室兮。迺知百祥所臻。衡宇以可棲遲兮。馨德夫
孰等倫。從遊于赤松子兮。效隱於潁水濱。地幽邃而
通三徑兮。樹萃尊以遶四隣。採佳節之嫩菊兮。嘯爽
籟而羨尊。窓牖涼其以風兮。懷太古之至淳。闔闔遠
而無喧兮。伴避世之逸民。雖有高車駟馬兮。豈易青
松綠筠。摘藥草之卻老兮。嘗金液而輕身。對明月以

終夜兮賞晴雪而崇晨遣興舉紫霞盃兮適開著焉
角巾會支許以灑落兮追莊惠之清塵堂如綠野之
蕭散兮功績赫而是振廬若香山之間寂兮文章炳
焉其新且暮緜經籍兮樂聖賢之可親左右置圖史
兮閱古今而敷陳跨越百世而獨步兮祖述皇風以
彌綸殊方稱獨儻之高傑兮蒼天知志慮之忠純神
明護而呵邪魅景星聚而徠德人吁蕩蕩乎竟何說
仰彼泰伯之至仁

頌十三

柔兆攝提格元旦頌

青帝出震歲紀在寅品物資始百祥是臻雪消冰泮
霞橫氣新維梅及柳綠長香勻鶯轉喬木鷄報清晨
植松焚竹各飾鄉鄰夙興祝君舉杯壽親壇設聖
像架祭陽神粢饎椒酒是羞是陳祖考降命若有諄
諄曰錫爾類福履綏身惟皇元會熙熙令辰昉媪覆
育觀天之仁發生施化安土和民幸遇堯日黎獻來
賓藝場相賀執禮闈間且歡且樂慇懃賞春於戲肇
歲萬壽無垠

源義公令德頌

並序

古稱至敬至哀不用文章而其所以爲之者以其

善
詳
响
照
記

聞
王
大
不
詳

德業顯赫不可著于辭也尚謙恭事源義公叨
 蒙鴻恩嘗奉職於史館今教授于城下且去歲
 三旬進藥近奉診視故其盛容偉德不離眼目
 謹作頌一篇以形容盛德云爾 頌曰
 公德高明峻底于天 公才廣大溥博淵泉
 丹詔嘉尚文武兼全考證星紀循導山川學通二教
 化被四邊仁民愛物無黨無偏制度法古中禮周
 旋士庶知方群寮尊賢孤竹克讓名分比肩芝蘭
 德覆松柏操堅不朽盛事勅成史編裨益王政懲
 勸醜妍武林好學惟公為先邦禁殉成惟公

所詮 儀表卓爾風威儼然遂遊丘壑乃樂天年
 綠野香山可與其傳預設佳城爰碑爰鐫嗚呼所
 萃永世致虔域中仰止彼西山巔

靜壽軒頌 並序

嚮者 源義公薨後著令德頌宣揚什一吁 義公
 聲名罩于異域豈後小臣之贊詞哉今 龍作公守
 文之德世人未能盡識僕近陪靜壽軒軒者 龍作
 公與眾士同樂之地也密有感 公盛德欲譽之卻
 疑渾于諂媚之語欲默之只怕埋於緝敬之德因著
 頌一章示我家二三子勸敬忠之志云

先君義公文明遠振。此公襲封克孝克仁方正篤
恭謹慤溫純秉心翼翼出辭閭閻精忠奉。上門無
雜賓恒恤衆庶復敬鬼神講武游藝運動養身止酒
制慾起居惟寅無爲之化和樂其民在古多譽今未
薰人我知。公德實事是陳稱揚近諛密書自珍。

銘十四

我未銘

我未勝人欲。我未能修身。我未收放散。我未克粹純。
我未盡忠信。我未遂孝嫻。我未合禮度。我未除病因。
不肖夫如是。豈不效古人。麴麴拒外誘。隨勤德日新。

行如磨玉石。心要除垢塵。緩步通血脉。靜坐養天真。
臨時有惑亂。致知極尋倫。倫理若不辨。去私須咨詢。
學優則有祿。道生何憂貧。復初改不善。困後能亨屯。
守約曾參勇。不違顏子仁。博文與約禮。所尚共彬彬。
只恐人欲盛。此箴一朝泯。云何保終始。存誠夙夜寅。
安定言語端正容。止勿縱人心。唯循天理寸。陰惜過
萬事慎始。名譽不希。此學爲已。

書帙銘 家藏

刀銘 家藏

斬鹿爲一試。入凡四霜威。懲邪龍光呈。瑞利器爲未。

須正我志不拔不振惟德之至

硯銘 家藏

義公之賜小久慈硯巖平松垂水瀉雲現近移墨池
永鎮書院庶與同壽臨文不倦

贊辭十五

屈原像贊

舉世混濁獨醒自臧雖命見放思君不忘嗟不可諫
作昏作狂登用讒佞棄置賢良維此正則潭畔徬徨
懷瑾握瑜食菲飲芳伏櫪騏驥在筴鳳凰離騷之作
日月爭光遂懷沙礫于彼瀟湘孤魂誰招定遊遐方

讚當作贊

咫尺貌遺千歲德彰忠情義氣使人慨慷

寒山子讚

重巖卜居白雲為伴喃喃讀黃老吐露妙語不放誕
誰道這漢風顛一指標月盡歎未始認影像何須解
了寒煖舊時蹊路可追尋國清寺上暮霞散

拾得贊

天台懸絕可以棲遲摘菜拾菓可養我飢蔑視世間
如塵芥磅礪物外還忘機唯有寒山笑唱和似友非
友無人知元來不曉其所生誰能會得其所歸

飛龍辭 時有飛龍

龍兮龍兮。汝能蟄在淵。時來命至今。乃奮發上天。汝若不蟄兮。曷爲如斯然。維其命也。汝能安靜也。維其時也。汝能知幾也。

神農論贊

傳曰。古者民茹草木之實。食禽獸之肉。未知耕稼。炎帝因天時。相地宜。爲耒耜。始教民執五穀。而農事興焉。民有疾病。未知藥石。炎帝始味草木之滋。察其寒溫平熱之性。以療民疾。而醫道自此始矣。復察水泉耳苦。令人知所避就。由是斯民居安。食力而無夭札之患。天下宜之。故號曰神農氏。嗚呼。大聖之德。神而

化之。大哉至哉。厥後黃帝作內經。以醫民病。后稷教民稼穡。而民人育焉。皆基於神農。數千歲之後。迄于殊土異域。莫不仰之祭之。是所謂大德之教化也。又傳曰。神農嘗一日而遇七十毒。夫上古聖帝恤民之情。何其親切至此。嗚呼。篤哉。學醫者宜鑑焉。有二折肱之志。始可與言醫。已矣。美食輕裘。居然爲醫者。非神農之罪人耶。可恥之至也。非惟勸戒醫家。抑亦撫民之士。播種之農。仰慕聖德。心存仁慈。躬嘗艱難。防禁安逸。其近乎道而已。

行狀十六

祖考玉翁了珍府君行狀

祖考玉翁了珍府君源姓松本氏諱助持初稱雅樂之助相傳其先佐佐木之庶流經亂離而遷居紀州考曰宗佐不詳其卒年府君以永祿九年丙寅某月日生于紀州湊邑及長與兄刑部居大田邑天正十三年豐臣秀吉公征根來寺府君兄弟與邑豪傑聚兵二千餘人構柵大田拒命固守公謂此城不可力攻乃築長堤決吉野川灌之兵多漂歿或出乞降而逃去者三十餘人府君兄弟駕船遜于阿州公搜索不已府君家有寶刀名三好鄉託人獻公請救黨與

命公得刀咸皆見赦已而府君事大和大納言秀長從軍于南海道四國已平均賜祿一千石秀長逝後居于攝州天滿鄉親近淺野彈正少弼長政受月俸若干文祿中朝鮮之役從長政攻晉州嶮城股被矢瘡不能致功勳凱旋後還居天滿鄉慶長八年年三十八秋八月有亡命匿市者大坂吏小出播磨守禁錮之天滿市家其家府君之隣也一日囚人之友五人來放馬於街東守囚者皆出觀之此間囚人越垣逃走與其友東過樋上橋府君聞之追至橋上提同田貫刀大呼曰六人避一士怯乎懦乎敵返鬪于橋

上頃刻之間。斬三人。縛囚人係之橋欄于其餘二人。遁走北方。寺邊府君又追及之。頻鬪。一人被創而伏。一人遠去。府君不被小疵。吏播磨守大感賞之。賜志津刀。大坂諸士無不稱焉。時讚州守伊駒雅樂頭聞其勇功。招之。遂赴于讚州。賜祿五百石。自改稱與吉兵衛。十五年春三月。與同僚爭事相擊。立斬二人。出門而去。從者四人乘小舟至引田。夜行阿州湓津。少為遷于紀州。警居藤代邑。多歷年所。仇家欲復讎。旁求諸方。偶逢于路。皆為府君所擊殺。後還居天滿鄉。寬永十四年丁丑夏六月。將浴有馬溫泉。七日甲辰。

俄

路至生瀨。中風俄發而卒。年七十一。葬覺應寺。號玉翁。了珍居士。府君性剛毅嚴厲。不敢受他陵辱。聲高聞乎四隣。善書巧棋。為入謀產。必合時宜。故多就問業者。而家亦苟富。恒貴質素。不事文飾。嘗歸本願寺。宗為門主。所知云。娶阿州士森志摩村春女。生一子。長左介事淺野。但馬守長晟。掌船艦事。秩二百石。壯而卒。次子次郎。我先考也。有二女。長嫁木成某。生二子。一女。長男玄卜。業醫。有一子。共居紀州若山。次女不幸而歿。季女嫁石井隱底。生一子。在攝州大坂。孫尚謙謹錄事實傳于家。

先考空菴性壽府君行狀

先考空菴性壽府君姓源佐佐木之苗裔本氏松本幼稱次郎諱清考曰玉翁了珍以勇武見稱母森氏阿州森志摩村春之女府君以慶長七年壬寅十月十一日己亥亥時生于攝陽天滿鄉少而喪妣玉翁性剛不慕愛及長令勉遠遊艱苦磨礪西往肥州長崎東至羽州最上不遠數千里其在肥州也遊佐賀城下從朝鮮人鄭竹塢習詩書學文藝竹塢待府君至懇因欲授氏爲鄭而辭不受寬永四年府君年二十六赴于武州江戶師半井驢菴瑞壽先生專學醫

道夏名九折初叔母嫁中野仁兵衛而爲先生乳母有才量先生幼時奉養竭力時時捧負以見執政及春日局遂嗣大父通仙院瑞珪先生之家大興其家以故驢庵先生視府君異他乃監司藥寮賜藥匙壓尺二物永傳于家每獻藥於大樹幕下必使府君書銘幕下嘉其書先生常謂待數年後將薦舉于幕下以登官醫十四年夏六月七日玉翁没于攝陽府君年三十六速往攝陽遂葬致喪而還至江戶侍于驢菴先生十六年冬十月九日先生卒府君在側送終勤勞遺功令嗣而以不得預官醫之列居常

快快明年鳴津黃門家久鄉。以良醫延府君。其宴諸侯無不陪從。祿給五十口。自號全庵。居十年。而自謂榮利進趨。雖似得志。聾瞶趨趨。不可安心。不若辭祿去。遂辭而退。住江戶城南弓町。廣醫五年。救疾不嫌。近穢惡。不惜費家資。會橫山內記知清。加番于駿府城。招府君從之。醫療屢効。見許肩輿。出入城門。暇日詣淺間神社。受神道於總舍宮內。已而還江戶。一日遊人家。看床頭有書。名法寶壇經。讀之忘食。竟願避繁華。就清閑。承應元年五十一歲。偶見攝州高槻城主故永井日向刺史直清君。君以處士待府君。且給

月俸。府君大歡。投閑散。赴高槻。朋友親戚愕而止之。不聽。於是改號壽庵。又改氏為森。蓋有故也。歷二歲。隱元師西來。居于高槻城西普門寺。府君喜見之。數聞法語。多醫病僧。師乃號府君為空菴。性壽。爾後醫窓之暇。好看釋典。研究金剛般若。男尚謙。漸長。就學。於是令往京師學問。力則喜。強則怒。嘗手書諭誨曰。夫立身行道。揚名於後世。以顯父母。孝之終也。嗚呼。汝何日出。幽谷登喬木。又親書五事授之。一曰。須惜分陰。求放心。二曰。禁遊興及雜談。三曰。勿說人之短。四曰。一切用節儉。五曰。處聚落要慎。失火。汝宜省察。

莫忘。或賦詩勸學。激切不可勝言。府君老後。每雨濕患。痰喘因息。交絕游。願養自適。儻久寶寺。居焉。稱牧父居士。延寶六年戊午春正月。患寒熱。方篤。二月四日乙亥晨。曰。我將死矣。命尚謙大書障面。于清涼澄觀語。修習空華萬行。安坐水月道場。降伏鏡像天魔。證得夢中佛果。見書了。大喜慰。午後自起。拈香敬禮。自說曰。我見佳麗勝絕境。又曰。凡所有相。皆是虛妄。應生無所住心。至暮症甚危急。仍求驢菴家傳龍腦丸。尚謙曰。證治更異。不知可否。府君曰。亦欲為後試驗也。乃服數粒。痰除氣安。至戌時。揚聲叱家人。不令近。居在傍者。士人渡邊矩正。僧

教存。與尚謙二人耳。亥時舉手正巾。齊衣領。端坐不動。泊然而沒。壽七十七。有臨行偈曰。寂寂還鄉。春夜天不須車馬。不由船。清風明月是知己。夢眼忽開輝。大千。葬于龍寶山大德寺真珠菴。後死。驢菴先生墓傍。府君性剛不屈。敏而能勤。恒奉崇神道。始終無怠。敬四書小學。威儀以莊。暮年好禪。而不著法。其感戴師恩。頗超等倫。資質聰利。該備雜藝。至和歌書法。兵術。謳曲茶禮。皆通大旨。所著詩歌。唯貽一卷。初娶滋野氏。生一兒一女。皆夭。後娶森田氏。生一女。亦夭。生男尚謙。承繼遺業。尚謙謹誌履歷。泣血。

拜書

森田不遠碑銘

森田不遠姓小野。猶股節綱之後。諱孝治。小名清三郎。後名與次。左衛門。父日本齋宗傳。仕故阿州刺史蓬菴君阿淡。兩州刺史義傳君天庸君。以謹慤稱焉。母野中氏。不遠以慶長十五年。生于阿州德嶋。寬永二年。歲十六。中撰。仕天庸君。近侍八年。尋掌修造事。正保三年。預淡州政務。移居洲本。察姦隱。獄訟。天庸君慰勞至懇。加賜祿至二百五十石。寬文八年。文瑛君命。檢察阿州德嶋城下事。奉職八年。延寶二年。

慈行題字

羅羅記

歲六十五。告老。請致仕。執政不聽。友人曰。足下功勞久矣。當有恩榮。宜待須臾。不遠固請不已。文瑛君遂許之。乃傳祿。男孝始嗣其家。元祿六年七月。羅病。手書號不遠。十九日没于德嶋城西。壽八十四。葬慈泉寺。不遠仕宦凡五十年。奉侍刺史。往還江都十七度。無有過失。長子孝始。事今刺史。次子孝之。為四宮氏後嗣。功名家。四女各嫁。有家。凡孫二十六人。曾孫九人。皆全。鄉閭羨之。不遠兄日瑞哲。號恕庵。業醫。受和氣之傳。不遠分祿奉養不懈。姊日妙允。亦奉養之。兄姊諸子孫。愛育之同。其所生。不遠事刺史三世。屢蒙

褒賞性質温厚和平身長六尺雖達武事而韜晦不
顯決事有智慮讀書無倦愛詩好歌飲酒不亂好稱
人之美不言人之惡其宗族朋友有不和者諭而睦
之違禮度者必箴規之退隱二十年間逍遙山水唯
樂釣竿自稱空侗子無問世事恒教誨子孫丁寧親
切為鄉人見稱沒後聲譽不衰銘曰

祗役夙夜無逸五十年唯愛日所謂始終惟一敬而
無失在古不可必今世亦少匹其預政也重仁術裨
益之功不恥輔弼貽兒孫以陰蔭豈論祿秩嗚呼矧
鏢老健之質退讓居此空侗室植蘭愛芳必聲名誠

洋溢斯鏢以實履歷纒述元祿六年十一月朔日孝子孝始建從孫森尚謙勒

拙齋藤子粹碑陰

拙齋藤原姓二山氏諱義純字子粹稱彌一郎父小
野里庄助仕越後羽林君母癸生川氏寬文十一年
辛亥八月二日生于越後高田城下幼至武州江戶
二山彌三郎義長養子之因冒二山氏母垂水氏視
如所生性質温和敏而有才及長致志道義篤崇程
朱之學父母朋友稱焉元祿九年丙子五月嬰疾自
知不免其心無動在牀猶不忘敬疾病賦詩有客氣
稍消義理明之句臨終告父歎息命短不能繼志終

皇本瞻作者

皇本無二友生

孝且勸同志居業勿倦。德謝瞻病人鄰里無不嗟悼。八月二十四日没于江戸本郷之側。年二十六。葬于品川驛海晏禪寺。友生山口之恬建友生森尚謙勒

先妣森田氏碑陰

先妣小野姓森田氏。諱佐久。其先出自猪股範綱。以元和八年壬戌四月二十九日乙未丑時。生于阿州渭津。祖考曰本齋宗傳府君。事阿淡兩州刺史。考曰恕庵瑞哲府君。業醫在京都。師通仙院瑞珪先生。受其傳。後退休渭津。得中壽而没。妣淺野氏。早没。祖妣野中氏。愛育超于諸孫。而叔父不遠視猶子矣。先妣

性質仁愛。意度豁如。善調饋食。巧於縫裁。親族莫不稱其女德。及長。嫁先大人空庵性壽府君。克治家道。隣里稱之。男尚謙在胎也。樂聞讀書。胎教頗備。尚謙已生。及齠。教教育。讀經書。習文字。訓導嚴正。肄業服勤。大人没後。剃髮稱知性。居常修善。又喜人善。嘗尚謙受病將死。凡再每禱神明。求身代之。乃得瘥。遂就宦途。繼大人之業。皆先妣之力也。元祿十四年辛巳二月七日乙丑戌時。没于水戸城下。年八十。法號真

覺神崎寺
祭文
祭先考文

嗚呼哀哉我父。嗚呼哀哉我父。嗚呼父何棄我。今遠遊。嗚呼我何別父。今獨留黃泉境。異兮冥路悠悠。遺藥遺書。今每見悲愁。庭訓降慈。今是學。是修。昊天罔極。今恩重。山丘不孝。旅生。今日夜無休。天涯祭奠。今不腆。惟憂尚社兒孫。享此薄羞。天和辛酉歲中元日。

祭先妣文

嗚呼哀哉我母。嗚呼哀哉我母。鞠育劬勞。今復其伶俜。昔我病篤。今禱求代命。已瘳。仕宦。今訓導處。正祗。今苟完。今家業頗盛。神其安處。今莫憂我病。嗚呼昊天罔極。今哀慕無竟。維此薄奠。今是供。是敬。尚饗。元

伶俜
ヤスラフ

祿癸未歲六月七日

傳十九

鈴木勇山家傳

鈴木勇山其先世任參州足助邑構城居之高祖父曰善三郎元龜二年四月武田信玄攻取足助城於是去而事東照神君與同族越中守屬西參河石川伯耆守指揮與松平勘四郎平岩七之助等同隊列天正九年春神君攻遠州高天神城擊勝賴兵善三郎越中守獲首百三十八善三郎子曰友之助繼事神君為五字使番賜祿千二百餘石與州之役為旗奉行關原凱旋之日命守伏見城病不能在

終没于參州。壽八十六。嫡子昌祖之名曰善三郎。先父而没。其子曰善三郎。是宗家也。而友之助在京時。側室生子。尤愛之。逾嫡子。於是嫡孫善三郎。遜于濃州。外祖遠山右衛門。佐存恤養之。大坂之役。見神君于大津。迎侍。幕下。賜月俸。治平之後。神君命中山雅樂助曰鈴木之子。以迎侍。予本陳。無由與敵交鋒。而其器幹事者。因賜衣服。為源威公臣。仕威公之家。稱三郎左衛門。名重有為。故卒長。見許養鷹雜賀孫一。稱其門地。以女妻之。是勇山之父也。其在京側室所生子。名友之助。元和元年。事神君。為

庭恐廷

小姓子。復曰友之助。凡同族長左衛門。九大夫三郎九郎。伊兵衛等。皆事。幕下。子孫盛于今也。三郎左衛門。正保三年六月十四日没。年五十三。號月肝宗心居士。勇山年四歲。繼父家。賜祿三百石。稱三郎左衛門。名重時。後改三郎。進職為使番。寬文十三年。中宮誕皇女。奉義公命。上京賀之。時三家兩典廩使者。在禁庭爭坐次。童時建言。儀如先式。人僉稱其不辱使命。後致仕。構居於水戶西北常葉邑廣祝井。住焉。明僧心越禪師過此。名山莊為祐養園。從是自號祐養。元祿十一年十月。義公偶來臨山莊。

逍遙林中賦詩賜之。公乃命曰。爾家世尚勇武。爾
宜名勇山。因改號勇山。凡園中勝景二十。曰櫻門。曰
藤谷。曰辨天洞。曰八橋。曰山薑澤。曰石菖淵。曰柴橋。
曰巖溪路。曰未瀑。曰聽水岩。曰兼三堂。曰田樂曲輪。
曰大悲堂。曰藤森。曰緣橋。曰竹中路。曰山吹洞。曰九
折坂。曰龜野。曰松峰。勇山恒心至忠。愛君不忘。每朝
寅後沐浴。逢拜君所奉禱安和。凡三十餘年。無一日
欠闕。義公之寵降屢賜物。恩遇渥隆。蓋有所感通
乎。義公薨時。勇山自誓斷食七日。以報罔極之恩。
後復每朝沐浴無懈。于今七年。奉禱今。龍作公安和。

嫡子三郎左衛門重鄉。襲祿進職。爲持筒步卒。長稱
鈴木氏。次子善三郎重義。稱足助氏。寶永二年春。勤
義公詩於石樹于園中。貽諸後世。勇山自幼好矣
法學。上杉謙信流於中山風軒翁。學武田信玄。流於
中山道軒翁。及里見織部。橫田庄三郎。又學楠正成。
流於道軒翁。及手塚太郎右衛門。皆蒙印可。受火砲
術於大熊八郎兵衛。受禮法於橫田庄三郎。亦蒙印
可。嘗學點茶之式於一尾鐵齋翁。中山風軒翁於是
欲遺名後世。十數年來。聚蘆屋天明。古釜香爐花瓶
筆架壓書。二百餘種。欲納之六十餘州。名山靈區。

義公嘉歎之。勇山之叔祖父正三者。幕府之士也。好禪出家。名振叢林。勇山慕其高致。請心越師。及諸禪德。題詩賦。景象蘭山。師著文錄。勝境宇都官野州。刺史及鈴木松翁製和文。以述大槩。才士過此者。莫不題詠焉。今茲勇山年六十四歲。請尚論記高祖父已來世系。及山莊之事。傳兒孫。蓋惟鈴木氏之姓。或傳稱穗積。亦稱源。而無族譜可徵者。家書亦盡於火災。以其世任參州。足助考之。則源滿政之苗裔。足助左兵衛重長之後乎。不得已而記事實如此。若其補闕。俟後君子而已。

贊曰。勇山之於世也。其未試之霜刃。在囊之良弓乎。雖生于清時。不被戎衣。而其志可觀焉。四十年來。沐浴禱君侯之安愉。行所難堪。不以爲難。器非凡也。嘯遊好林泉。終日悅目。古所謂上帝所愛惜。此翁得之。可樂以終。誰敢間然。噫。貽美於後昆。其若人之儔乎。

雜著二十

心君詔

文全從詔敕之體。實通在養生之戒。

予祇承父母之遺體。丕紹祖宗之血脈。虛靈不昧。託方寸之中。感照無窮。通天下之故。唯衆情未平。物欲交興。是以疊疊日慎。乾乾夕惕。詩云。維此文王。小心

惕
息
揚
揚

翼翼書云設中于乃心顏子之所齋孟軻之所存豈
容不思哉。問者青州從事跋扈冠我中州氣焰衝突
迫于靈臺又諸羶臭掠我層門彩色侵我眼界郵聲
亂我聽堂蠹蟲四塞災疾屢臻予甚敗之其將軍之
官肝專決謀慮相傳之官肺能修治節協力共志是
膺是懲其餘十官等各守職業莫敢荒怠遣戍於四
肢置鎮於六窓夙夜惟寅出納惟允封太乙神君於
丹田配享以玄牝庶受休祥得考終命其自改以主
一無適而化天下味爽以前五志七情已發未發及
偷閑放吟挾書議古私淑賢哲咸皆赦之唯非禮不

仁自暴自棄不在免例皓齒青娥欲斫吾性貨貴榮
爵欲擾吾操者宜嚴禁止屏之他方斷其交通六府
九竅十二經等欽奉予命永保天祿若拒命者罔有
所赦其賜勤勞政事力行體疲酒肉各一鍾斤賑恤
困乏孝弟忠信禮義廉恥存養其德終身無害普告
百體使順予令

擬無逸

觀夫創業之主無不知稼穡之艱難以民心爲己心
守成之君多長乎婦人之手不達下民之情放恣驕
奢晏然自足雖或有始鮮克有終是故神禹躬耕胼胝

周公勞吐握。所以建業興國。幽厲淫暴虐。二世縱無厭。所以亂政絕祀。典籍所載。千古龜鑑。竊惟吾朝之古。王室日光。公卿星耀。及于源平。互爲盟主。治亂交至。其始淳直克保家邦。其後源骨肉相食。黨族夷滅。平侈傲忍刻。子孫誅戮。源賴朝曾在民間。苦思久積。故治國二十年。惜哉。胤子不克終也。平泰時恭儉。下士勤勞。治務故數世執政百五十年。至于高時。逸遊荒怠。視民如芥。遂受天討。源尊氏效曹馬之迹。才略不足。時楠公佐命。似蜀丞相。巍巍其忠。淵淵其智。尊氏之孫義滿。任用細川。賴之賴之。懲覆轍。勸之以

親君子。遠小人。之法。舍己從人。故十世稱霸。幾二百年。其後嗣子。冉冉德衰。碌碌尸位。專委嬖幸。英雄割據。義輝身弑。義昭出奔。平信長大。振威武。未能成功。豐臣秀吉代之。遂致渾一。假名於漢王。素服擬行於秦皇。無度爲治。纔十餘年。惟我東照神君履險嘗艱。兪畏寬厚。翼輔天子。寓內清平。人物蕃庶。振古所稀。嗚呼。古今同揆。和漢一塗。所謂治民。祇懼不敢荒寧。必得其壽。保其社稷。所謂不聞民勞。耽樂之從。必失壽福。貽訾後昆。無若平清盛高時等。迷亂沈酣。又無若信長及豐臣秀吉。暴戾慘酷。夫無逸何謂也。

曰惟心耳。一心之微。萬機之本。苟向正則狂作聖。向邪則聖作狂。故君子收放心而已。舜與桀均是人也。四支百骸無異。聲音動息無異。癢痾疾痛無異。其所異者。心也。微哉微哉。毫釐有差。天地懸隔。安危存亡。所繫。豈可不慎哉。

○擬新田義貞復楠正成書

廷尉足下。辱惠書慰我於板蕩之間。屢讀令淚潸然。足下以至忠之情。責我以不能勤王。至矣盡矣。雖然。我有所不可不言者。故姑論之。某平日振一二尺。當萬軍。秉麾一呼。僵者皆起。而殲鎌倉之渠魁。防足利之

入寇。恒社金華。一圖恢復。只恐背推轂之命。不成敵愾之功。不幸運祚日迫。殆似漢唐之末。讒姦得時。椒房用事。嗚呼。憂國如足下。不得厚賞。諫君如藤房。不飲恩遇。宜哉。謀臣良將。不能全節也。予當此時。腸日九迴。苟欲禦外患。則內亂將興。欲鎮國難。則公家益騷。效忠矣哉。碎身白刃。顧家矣哉。汚名青史。而藤房已遷于荒野。足下亦志欲戰。外予惚惚不樂。願早外軍中者。以此耳。若夫戀戀乎一嬖人。沮軍後期。予謹伏罪。不敢遁辭。至于中原失鹿。車駕播越。非予之罪。彼憮人姦邪之所為也。竊惟主上蒙塵他方。而孽臣

嬖人
疑作媚

不能如廢彼山陽公濟陰王者。因子之籌策及一二忠臣能保守也。誰敢不喜驩哉。我寧爽尤不被不義之名。請與足下合力殄戮賊徒。努力努力。足下友人勵我以陶侃溫嶠之名行。亦令我慷慨無窮。察亮

新述四卦 並序

引而伸之觸類而長之。易學如斯爾。吳文正公著忍卦禘益世教。蓋看易之一助也。余暇日著進退變常四卦擬易四象志欲益我邦故有用本朝故事冀助治世安民之教矣。若依加一倍之數則四倍為八倍。為十六倍。為三十二倍。為六十四。伸之長之。其

細溫元氣也

辭无窮也。楊雄太玄。王通續易。蔡子演洪範。皆贊成易道者爾。故造卦辭不可責以僭竊矣。

天地絪縕太極生陽。陽必有進。進極而靜。故受進以退。物退散則變。故受之以變。物不可以終變。故受之以常。常久君子之道也。

進積下達上

進亨。利。立志。真正有終。斷曰。進內剛而外動。是以亨。立志可以進德。是以真正有終。日月星辰之行天之進也。草木生長地之進也。立身興家人之進也。進之義大哉。解曰。火興雲騰。進君子以講學明善。創

業施德

初一。君子存誠吉。小人從欲凶。解曰。進之初。在辨辨幾也。吉凶因我從心所歸也。

次二。芽出地。有明至。解曰。芽出地。進形已具也。已有所進。同志相遇也。

次三。鴻鴈遠來。其翅不垂。君子萃萃。遂逢此禮。解曰。鴈不垂翅。所以度海也。居業不止。其禮可待也。

次四。進登得警。其言遜。其行危。无咎。解曰。進近君。恐有警也。其言遜。何至危也。

次五。維王巡狩。利舉賢。解曰。在位之進。往視下土。

也。任賢舉能。仁惠普也。

上六。大閭伐朝鮮。窮兵黷武。凶。解曰。心縱无制。必好遠大也。進之極。還招損害也。

退通下窮上

退利貞。有言厲。莫廢封爵。利遊丘壑。斷曰。退內勇。

決而外遜順。故利貞正。退者无言。言則危矣。四時代謝。天之退也。萬物衰替。地之退也。歸休隱逸。人之退也。退之義至哉。

解曰。風逆水落。退君子以佯狂避難。處順不爭。

初一。人不知无疆。吉。解曰。退初在下。誰知其正也。

修己无愠謂之知命也

次二。茲于山。釣于淵。无咎。解曰。已退得時。可无憂也。于山于淵。可遨遊也。

次三。羸馬不前。中心愒愒。狼狽不決。吝。解曰。羸馬不前。在途艱難也。狼狽不決。其心不安也。

次四。首如蓬。中心夢夢。欲遯則尋。欲止則災。失謀才吝。解曰。首不得梳。所以苦思也。近君欲退。事豈容易也。

次五。大人讓位。傳賢元吉。无誠危。解曰。讓位棟賢。大器不可輕也。好名行私。是為无誠也。

上六。藩房遠遯。正成戰死。貽名後昆。解曰。忠諫不容。是臣之窮也。忠謀不用。是士之終也。

變亂上下

變亨。利君子貞。智者有得。愚者失。斷曰。變積久而

發。其機難測。有為之君。當受命。是以亨。非德則不可。

是以利君子貞。雷電雨雹。天之變也。震動陵谷。地之變也。盛衰易處。人之變也。變之義廣哉。解曰。木受

金制。變君子以化氣質。改非度。

初。一。屋下點火。利防微。解曰。小火雖微。後當炎炎也。變之初。宜杜漸也。

次二田鼠化為鴽布衣為君吉 解曰變化逢時必當飛也創業革故必起自微也

次三葉未紅酒未醲其慎有終 解曰半變不化未見其末也慎獨克己名聲達也

次四野蕘上堂殃起蕭牆昧者有傷 解曰君側變起預失謀慮也昧者之傷智者可得譽也

次五魚化龍大人有喜小人否 解曰變在于上物大革也大人之起小人致役也

上六霖雨蒙蒙旭日出東賴之翼公大吉 解曰變之極蒙開明臻也變之後其命維新也

常安下 靜上

常元亨利見大人行事貞吉耽宴安凶 斷曰常內

敬无怠外不失禮儀故元亨利見大人行事貞則可得久長荒怠宴樂不得為常節候不愆天之常也生

物應時地之常也五倫克諸人之常也常之義篤哉 解曰天運地靜常君子以遠慮定行守道自養

初一新主嗣位初吉无不利 解曰新主初政清明必常也不言其末美惡難量也

次二燕往鴈來利有所往 解曰燕鴈往來中時得正也人不失信往而有慶也

厲訓

晴陰而風

次三春耕秋穫晨興昏息不倦吉反之吝 解曰終日致力恒心固有也夜興晝寢不可久也

次四日昃宴或久或伸厲无咎 解曰日昃之宴樂過中也非懷危懼奈其終也

次五仁德帝望炊烟詠歌大本元吉 解曰帝望炊烟心在下民也閭閻殷阜皇風之淳也

上六日晚天曠益張威福揚揚忘復有悔 解曰長日遂晚晴豈无曠也常久而變不可恃勢也

附 吳文正公忍卦

忍初上元亨初吝終吉悔亡利君子貞不利小丈夫

邵玄同所作忍卦無卦下注字及元字吝作難無悔亡二字 彖曰忍剛發乎內

柔制乎外小有抑大有所益也柔制乎外下邵玄同

乃終有吉唯君子為能動心忍性不利小 象曰心

上有利力忍君子以含容成德本作刃在心上

初一必有忍其乃有濟象曰能忍其性專克濟也初

辨及象邵玄 次二小不忍則亂大謀象曰小不克

忍成大亂也本係初二 次三一朝之忿忘其身

以及其身以及其親無忘邵玄向本作一象曰一朝之

忿至易忍也忘身及親禍孰大也忘邵玄向作 次

四出於勝下以成漢功韓信以之象曰勝下之辱小

辱也成漢之功大功也 次五張公藝九世同居書

一忍字以對天子對下邵玄同象曰同居之義忍克

致也積而九世有容德也 上六血氣方剛戒之在

鬪象曰方剛之氣忍則滅也形而為鬪自求禍也出

文正公文集第四十九卷輟耕錄第四云。啣人邵玄同先生嘗作忍默怒退四卦揭之坐隅真得保生慎言繫矩知止之道者矣其所載忍卦與吳文正集有異同今注書之又第九卷載淮南潘子素輟卦平江蔡宗魯各卦扶風馬士文壁諷卦愚新述四卦時唯見吳文正忍卦耳後閱輟耕錄私喜古有與我同志人姑注于此云

二十四總論

二十四論何為而作也為後世告善也第一不好彼多書凡恤文勝之弊也第二長爪是細事唯恐武備

之急也第三不喜變革新制改古可歎息也第四論

郡縣誤政削地邦勢弱也第五忌小人惡有才之小

人也第六復讎議義士之致志異于賊也第七卑仙

道邪術必惑下愚也第八譏募卒不養士兵募民無

功也第九崇經學盛德大業在學經也第十尊諫官

置諫官則成君德也第十一舉謀臣謀臣所計輔君

業也第十二褒廣見所見不偏其道廣大也第十三

稱醫學醫之有本其術不漫也第十四巧制度用意

精熟其妙無窮也第十五重考試選眾授職事必有

功也第十六立教令設教道民民克循法也第十七

仰皇祚用敬篤信遠扇淳風也第十八好義勇知耻之心興禮義之化也第十九恒帶劔不忘失尤則無不敬也第二十貴龔封恩情厚深則邦堅固也第二十一無外患地勢雖利而警誠不可忘也第二十二惡宦者嬖幸寵臣動致禍於蕭牆之內也第二十三淡食饌袖膩厚味非攝生之道也第二十四愛武藝武以輔文並行邦治也如是致思則善治良政在茲焉或曰我所長姑置之唐所長可學者孰為先答曰彼諫職以翼君考試以舉賢教令以諭民是二為急務或曰本身之要如何曰克己復禮則天下歸仁正

心修身則明明德於天下所謂合內外之道矣物與我本一也彼與此無隔也故云乾稱父坤稱母民吾同胞物吾與也斯謂之渾然至公聖賢之智矣若或聞昧私蔽內乖離悖逆放縱滌泆則外必憤排怨對扞格抵牾斯謂之禍根已萌昏愚之行矣故存誠修道與天地合其德則上世之聖治泰平之功化在茲而已

勸學文二篇 並序

惺窩先生以和字述五倫之旨其有益世教豈不景慕哉愚暇白著勸學文二篇用和字以告同志

―たまたま―

學問之本意

古の聖人賢人一人として學問をなさんとする人あり。若くても
方何れも功名を求めんとす。其徳あり。近代信長公秀
吉公。拔群れ才ありて。度量も大者也。信長公秀
仁心少くして。文藝も。其のひ。秀吉も仁心少く
驕奢も。其祀と絶ぬ。か。其英傑あり。其不學
の過あり。一 忠信神皇。書中に古事とあり。ひ
よ言ひ。仁道とあり。一 太平の業。其創
め。其の。匹夫の身の上も。不學の損あひて

勲を。一 學問。或は。忠孝仁
義と。或は。一 見。或は。其備。一
法布とも。一 又人。其小人の
分ちある人。一 種。其高下。其
と。其。或人曰。世俗。一
向。其。一 事
や。答曰。其。一 庸言之信。庸行之謹。閑邪存其誠
して。非法不言。非道不行。其。其
温良恭儉讓の徳と。其。躬自厚而薄責於人。其
此人と。其。一 言。其。其。其。

矣言不忠信行不篤敬雖州里行乎哉。聖人のあつと有
徳人と有**變**君子終不可誼分あつといひて何の人詩小諫
か火勢いかり。是れよくきこふべし。或人曰。是れ學者難も
知つるよとよく。今**説**教とていつ事あり。然れども其考と
人信をさういひりゆるりこそや。答曰。聖經賢傳と目に見
はよ謙といふも。克己の徳ひをいひて。誠乃遠かかち
るに克己といふ。月これ私に克也。私乃非分と不改行跡我
まゝめて善言とて不似。は小聖賢の習人よ。これら之は
信とて死にせむは薬と毒と。毒は不改。其薬は功が
あつて。これ克て。氣質と變化と。内徳をさるるは合あり

とありて。よや。終不可誼と。人慕りて歌りて。あつに
あつれつ。一日克己天下歸仁と。聖人のいふこと。是るあり。
物言よ孔子大聖人。三千乃弟子。これ道行仰と云はれ。
叔孫武叔魯仲尼と黜せり。卿人絶善者。は好とせられ。
不善者。は悪とせられ。とある。叔孫武叔の小人
を。清くして。好あり。若彼ら。合ひ。獲られ。ら
ん。聖人よ。あつ。此義と徳。辨知て。是れ克己復
禮。れ修り工夫。中用とて。是れ学問の如き。あり。
学問とて。時と刻と。是れ徳の悦び。事事にあり。あつ。
其徳を方とて。是れ我と信と。あつ。是れ樂む

居たりしよあ〜のや。我多所勅^{しん}行^{ぎん}きまも。世ふおれん。
 くれと信とらん人あさ時。おも^い愠^い怒^どとあ〜。心と不^ふ勅^{しん}也。
 例^い潜^{ひそ}龍^{りゆう}のあ〜。靜^{しず}み安^{やす}〜居る。是^{こゝ}所^{こゝ}時^{とき}と知^しれり
 今^{いま}所^{こゝ}勅^{しん}る君子^{しんじ}やりのあり。時^{とき}ありて大人^{おとな}了^り知^しれり
 あ〜を。後^{のち}に天下^{てんか}の人^{ひと}と仁^にみ^み歸^{かへ}き〜むれ^れ徳^{とく}業^{ぎやう}と也
 於^{こゝ}と〜。必^{かならず}と〜。克^{よく}己^ののま^まと勅^{しん}なり〜



